

第三十卷

第三十卷

列傳
下

彭伯基抄

列傳

彭炳基繕寫
林喬松登記

計劃

莆田縣志卷

列傳十

明

林廷綱

吳源

林長懋

林

文曾孫希範

柯

潛

嚴

奎

陳音

吳希賢曾孫三畏

戴大寶

林文俊

林廷綱藻裔洪武初詔郡學弟子員學優者入國子監廷綱在選太祖親試擢
吏科給事中盡言直諫因賜名恒忠仍賜上尊陞中書舍人兼太守贊善與
宋璩揭樞同知制誥詞藻聲華愈出人上又薦郡人吳源徵拜四輔夏官嘗
侍遊江間殿太祖首倡云江間小殿與雲齊梁上新添燕子泥廷綱奉旨足
成之曰雄扇曉開紅日近龍衣春濕彩雲低旌旗影裡貔貅息斧鉞門前騏
驎嘶簪筆詩成同拜舞太平天子試新題又承旨作春江漁父圖詩題於內
殿云浩蕩乾坤一釣徒絲綸終日倚菰蒲桃花浪暖魚堪繪桑柘村深酒可
醅歲月不知蓬髮改江湖真與世情疏熊羆不入君王召四海于今誦帝謨

甚蒙寵眷後以事忤旨賜自盡上尋悟然已無及矣命葬太平門外立石旌之有林舍人詩若干卷

吳源字性傳早孤力學通諸經尤長於易惇禮好義士大夫皆推下之至正末舉泉州路訓導洪武三年復以明經教授興化府十三年以林廷綱薦興化數襲數趙民望李祐俱特詔徵為四輔官兼太子賓客位列公侯都府之次屬降制諭欲其均調四時源司夏季中旬每講明治政必以得賢才敦教化養黎元為圖治之本甚見嘉納上遊東苑命五人侍相與聯句為七言近體詩一章上首倡曰踞盤龍虎肇英豪社數繼曰五色卿雲捧日明源繼曰王氣堂堂然垂景象數繼曰民風樂爾見昇平民望繼曰山河百二金陵最祐繼曰宇宙千秋帝業成上復繼曰暗憶六朝興替事社數足之曰禎祥未盡又加禎詩成思禮優洽冠於一時源尋以老請歸明年上念其賢後賜訓詔曰曩者朝臣薦卿學行足用召卿至庭官以四輔而卿告年老艱於步趨遂

命還鄉今日朕選公侯子弟入國子學司業員缺生徒無所矜式卿其為朕
一來講道授經無筋力之勞而有成就後學之益亦儒者之素志也其速來
勿有所讓源復赴京授國子監司業未幾卒於官著有莆陽名公事述若干
卷宏治府志採用之

林長懋字景時永樂乙酉鄉薦歷德清南昌教諭遷青州府教授與戴綸俱侍
皇太孫說書擢編修始成祖命太孫習武事太孫亦雅好之時出騎射長懋
與綸以太孫春秋方富不宜荒學問而事遊畋時時進諫仁宗初太孫立為
太子進中允仍侍講讀宣宗即位扈從諸臣皆進官長懋再行後出知鬱林
州其二弟宦學京師奉母因乞降繁難京職時綸擢兵部侍郎以諫獵忤旨
與長懋同坐怨望並下錦衣獄綸箠死而長懋繫獄十年英宗立乃得釋復
其官還知鬱林疏溝渠禁淫祀撫下以恩而自奉極儉朝夕惟食鹽菜人呼
為林鹽菜卒葬鬱林州人歲為增土立廟祀之弟道節永樂乙未進士授

刑部主事長懋下獄時調平樂通判遷知瀘州廉介公勤尤如意學校陞鶴慶軍民府以母喪歸

林文字恒簡九牧筆後宣德五年廷對第三授翰林院編修正統初預修宣宗實錄成轉修撰時年已五十歷官九載謹循常調未幾丁內外艱服闋復除原職景泰三年陞春坊諭德兼翰林侍講四年修歷代君鑑成七年修天下郡志陞庶子仍兼侍講天順元年罷康定時宮僚文改尚寶司卿兼職如舊時翰林應轉學士者七人上疑其多兵部尚書陳汝言進曰唐有十八學士是不為多遂并拜學士四年請老上謂內閣李賢曰林文老成忠厚不可放去仍留供職八年憲宗即位以舊講讀官陞太常少卿兼翰林侍讀學士再乞致仕歸文雖年逾七十然神觀清爽應對精明安靜守禮接人無大小皆以誠意朝野士大夫踵求詩文酬之無倦色體格溫淳自成一派搢紳推為醇儒咸自謂不可及也兩考會試一讀廷試卷學者稱為上林先生卒年八

十贈禮部左侍郎謚襄敏遣官諭祭營墓子孫科第見選舉志 希範文曾
孫由鄉薦為漢陽府同知調岳州府有清操督賦平江無毫髮之擾惠利及
人終楚府長史

柯潛字孟時幼警敏嗜學十歲喜賦詩正統甲子鄉薦景泰辛未廷對第一授
翰林院修撰明年陞春坊中允兼修撰預修歷代君鑑天下郡志成累受賞
賚七年陞司經局洗馬天順元年例罷官僚改尚寶司少卿兼職如故充東
宮講官八年陞翰林院學士成化元年修玉牒三年修英宗實錄陞詹事府
少詹事兼翰林院學士四年命日侍經筵會孝宗崩上以合葬裕陵為疑下
群臣議內閣彭時等奏宜合葬孝宗居左太后於千秋萬歲後居右未報潛
曰朝廷大事臣子大節舍是奚所用心與修撰羅璟一再疏爭竟得如議未
幾丁父憂踰年母歿既葬詔起復為國子祭酒懇求終制九年服闋將赴京
得疾卒年五十一遣官諭祭營墓潛貌偉俊容止雅飭接人外若樂易而

內實獨介鄰郡有中貴人寵冠一時士大夫欲求速化者爭趨其門潛獨不
往天順中李文達賢欲引共事以資淺而止成化初吏部屢薦入內閣不果
典兩京試者一禮部會試者再為學士時即院中後圃構清風亭鑿池蒔芙
蓉植二栢於後堂後人稱其亭為柯亭栢為學士栢院中有井學士劉定所
鑿翰林中并稱為柯亭劉井云所著有竹岩稿子宗文以蔭授中書舍人

嚴淦字宗源景泰甲戌進士改庶吉士授翰林院編修同修寰宇志拜御史督
南畿學政嚴考校絕請託權門要路謗憾雖多弗恤也陞浙江副使乃兼理
南畿學政以不便行事改湖廣提學秩滿陞廣東按察使遷湖廣右布政使
暨轉左命下而淦卒矣淦性狷毅澁官守法與人不苟合先輩曾景修教授
德安父子繼歿僅一孫隨母流落淦物色得之資其歸以奉曾祀

陳音字師召淳後天順八年進士選庶吉士授翰林院編修分修英宗實錄成
進侍讀擢南京太常少卿命兼掌南京翰林院事陞本寺正卿卒音為人和

易坦率細事無不可至分別義利則界限截然在翰林院時嘗上疏陳時
政數事一曰養君德臣聞養德之要莫先於講學講學之功莫要於好問陞
下雖日御經筵以勤聖學然勢分尊嚴上下情隔上雖有所疑而未嘗問下
雖欲有所陳而不得盡臣願陛下退朝之隙擇儒臣有學行者日引對便殿
或從容賜坐或旁立咫尺搜求經典有疑輒問務使聖心渙然開明則以之
正心以之正百官正萬民億萬年之業基於此矣二曰進人才臣聞人才難
得自古為然國家養士百年于茲其可用者又未嘗用之姑舉所知者如致
仕吏部尚書李秉侃侃公忠忘身殉國雖小過不能無而大節則可許養病
翰林院修撰羅倫編修張元楨皆抱經濟之才鬱不得施故託疾引退以免
素餐之恥新會舉人陳獻章所學醇正所養充大臣願陛下起李秉復為吏
部尚書起羅倫張元楨復為侍從徵陳獻章寄之臺諫則賢才得用而治教
日昌矣三曰開言路臣聞明目達聰虞治以貶從諫弗弗殷業日隆今朝廷

雖置言官多緘口不言者以常言者有擯斥之辱也臣願取回判官王徽評
事章懋等復其舊職以彰陛下天地之量仍飭自今臺諫凡政事得失民生
利病一切真言無隱言雖狂皆不加之罪則求言以誠事無壅蔽而邦家永
太平之祚矣四曰闢異端臣聞異端者正道之反害道之大者也當今號佛
子法王者無寸善可述稱真人者無一長可取名位尊隆賞與溢濫臣願陛
下降其位號杜其思賞仍詔自今始有造寺觀者悉置諸法永為定制則妖
妄絕正道明而民興行矣權璫黃賜有母喪省寺院監咸赴弔翰林亦有議
欲行者音奮曰堂堂翰林相率而拜內豎之門奈天下笑何議遂止西廠初
建太監汪直方用事勢甚張其爪牙韋英夜率邏校入兵部主事楊仕偉家
收縛仕偉益掠其妻衆悚懼莫測音與比居亟乘墉大呼曰汝何人乃擅辱
朝臣其人曰爾何人乃不畏西廠曰我翰林院侍講陳音也懼汝輩壞國法
禍福非所憚其人為少戢大學士劉吉起復音復遺書止之其後當路有缺

吏部欲擬音吉曰陳某腐儒不可用其為少卿滿九年乃進卿音學問深博為古文肆筆而成率平實有理致遺藁數十卷子舉華孫須樂見選舉志須孝廉授承天通判

吳希賢字汝賢祭裔精毛氏經天順甲申進士改庶吉士同年李東陽以敏贍稱希賢與之齊名授檢討預修英宗實錄有貴冢子寇姓者密以賄丐希賢致半詞於其父希賢拒之曰苟為此他日何以見董狐於地下耶進修撰陞左春坊左諭德南京翰林院侍讀學士卒於官希賢性豪邁負奇氣於人少所許可兩考會試所得多俊偉士為文章意新語壯有聽兩亭稿四卷三畏字曰寅希賢曾孫嘉靖癸卯鄉薦官寧海教諭擢嵎縣令縣故無城三畏始議築之城成而倭至竟不能犯遷廣信同知歸以子獻台贈江西左布政使

戴大賓字寅仲三歲學語時即能屬辭若有神授兼通五經年十三舉宏治辛

西鄉試第三人正德戊辰會試第二廷對第三除翰林編修對策流播海內
逆璫劉瑾无女有才姿瑾養為己女為求快婿見大賓必欲致之乃為飭邸
舍具駟粟廝養大賓揣瑾異時必汙己乃縱酒佯狂醉後常喃喃詈瑾又日
鞭笞瑾所貽廝隸廝隸怨乃譖大賓輕薄非遐器瑾意漸衰會大賓聞母訃
奔喪歸卒于途瑾後以關中解元某娶其女解元年方二十有俊才瑾誅解
元坐黨削籍

林文俊字汝英正德丁卯鄉試第一辛未進士改庶吉士授編修擢春坊贊善
充經筵講官世宗見其玉質矩容音吐金石意屬大用擢貴擢翰林異已者
補外文俊賴聖眷以免吏部會推南國子監祭酒凡四上及文俊始允改北
祭酒奉勅校定二十一史銀梓以獻是為北監本值乘輿臨幸文俊以尚書
講說稱上意賜衣二襲凡南北六館諸生罔不肅遵規條雖貴游子弟亡得
躡序橋門之內肅如也陞南京禮部侍郎轉吏部侍郎逾歲病疽卒廢一子

加贈禮部尚書賜祭葬初議謚曰良曰恪御筆特改曰文修異數也文俊涵
養養完粹誠實不期待人有恩每為諱過或非意相干亦無愠色念父當日躬
耕自給因名所居堂曰力本厯官二紀清約如寒士士論翕然歸之有方齋
存稿若干卷子宗翰以廕官高州通判
列傳十一

明 翁世資 陳 俊 彭 韶 林 俊

翁世資字資甫父瑛舉鄉貢官至翰林院檢討掌國子監助教事世資正統七
年進士授戶部主事政暇輒翻閱舊案究其利弊涉獵廣記明習國典嘗以
部檄往通州監收軍士冬衣布花因奏言所收貯庫藏轄於通州諸衛宿弊
極多宜改屬有司從之丁外難歸景泰元年尚書金濂以時方多難求可裨
謀議者因奏起復世資固辭終制明年服闋除戶部陞郎中凡有大議必與
商榷會江南水災遣往勘驗因奏免應天太平興國安慶廬州等府及建平

宣城等衛稅糧五千餘萬石畧束倍之并徵所司賑恤天順元年充會試同
考時大臣多罷上謂姚夔翁世資可大用遂擢夔禮部世資工部俱右侍郎
四年命中官往蘇杭嘉湖造上供文綺七千疋未完又奏別遣官督并加造
七千疋世資謂東南水潦民苦艱食宜搏節以甦民困議減其半尚書趙榮
右侍郎霍瑄難之世資請身任其咎乃連署以諫疏上帝疑其要譽詰主議
者下世資錦衣衛獄謫衡州知府至則決疑獄新廟學修石鼓書院立便民
倉百廢俱舉衡衛帥有庾法者世資稍抑之遂誣其怨望逮至京上不直衛
帥復世資官成化初陞江西左布政使適廣寇發王師南下議令江西轉餉
需役十萬人世資令齎銀就廣中糴之民得不擾以右副都御史巡撫山東
歲飢發倉儲五千餘萬石以賑撫流亡全活者百六十二萬人召為戶部右
侍郎八年遷左侍郎十三年提督京通等處倉場明年進本部尚書世資久
處財賦之地凡劑量盈縮罔不懸合事宜以年老引退詔加大子火保致仕

卒贈太子少傅居官四十餘年家無餘才所著詩文有水崖集若干卷兄世用正統戊辰進士官終貴州參議莆人父子兄弟同時登朝自世資始子泗以廕授光祿署丞洪泳見選舉志

陳

俊字時英正統丁卯鄉試第一戊辰登進士第授戶部主事丁父憂服闋仍除舊職景泰甲戌差天津等衛征秋青草俊言舊負未蠲新額存積人不能堪詔減三十五萬束蘇松諸郡負上供多復受委往徵不數月告完尚書金濂以為能俾典諸曹章奏歷郎中天順五年兩廣用兵俊督饋餉時州郡殘破帑藏殫虛地鹽商越境令每引輸米二斗以餉兵公私使之丁母憂乞守制不允師還始奔喪總兵監軍合百金為賄却之服闋復任郎中成化初陞南京太常寺少卿時郎官久無拜少卿者俊以賢譽得之四年召為戶部右侍郎俊練習錢穀四方災傷邊鎮易餉奏議逮至裁決咸當尚書楊鼎深倚之京師大飢先後發大倉粟八十萬石平糶石值六錢豪猾來時射利俊請

羅以升斗為率過石勿與飢民獲濟尋議用兵河套勅俊赴湖南陝陝會巡撫諸臣畫餉易發帑金二十萬助之俊以邊庾空竭歲又不登榆林道險轉輸艱難乃發金於內地市易修西安韓城同官徑道以利飛挽師行無乏比凱還進俸一級歷吏部左侍郎九載秩滿擢南京戶部尚書尋改兵部參贊機務先是參贊之任不專屬兵部自薛遠後繼以俊遂為定制久之改吏部尚書請老不允賜羊酒寶鈔俾還任二十一年星變率九卿陳時弊二十事皆極痛切帝多采納而權倖所不便者終格不行明年再乞致仕詔加太子少保馳驛傳還逾年宏治改元以疾卒家無餘財訃聞遣官諭祭營葬謚康懿俊為人沉毅簡重孝友廉慎行之終身人無間言孫達之以貢為沉邱令遷淮安通判有惠政祀名宦祠

彭韶字鳳儀天順元年進士授刑部主事以憂歸成化初歷署員外郎時張岐以壽寧侯兄從外臺躋僉都御史入院韶疏岐險邪不可用乞召故尚書王

竑李秉侍郎葉盛忤旨下詔獄給事中毛弘等論救卒輸贖尋進廣東司郎
中外戚周或奏乞武強武邑民田不及賦額籍為閒田令韶偕御史李琮覆
勘韶等周視徑歸上疏自劾曰真定田自祖宗時許民墾種即為恒產除租
賦以勸力農功臣戚家與國成休豈當與民爭尺寸地臣不忍奪小民衣食
附益貴戚請伏奉使無狀罪疏入詔以田歸民而責韶等邀名方命下詔獄
言官爭論救得釋俄而復有請荒田者上顧左右曰彼不見周或事耶奈何
又請是時韶與何喬新同官齊名稱為何彭遷四川副使有安岳扈氏焚滅
劉氏家二十一人定遠曹氏殺其兄一家十二人獄久不決韶一訊得實咸
伏辜進按察使盡撤境內汪祠王府祭英舊遣內官公私煩費奏罷之雲南
鎮守太監錢寧進金燈擾道路韶劾之不報十四年遷廣東左布政使薦陳
獻章得旨召闕劾鎮守太監顧恒非禮貢獻市舶太監章眷矯旨稱進奉庇
豪戶亂舊章珠池監丞黃福以進奉為名所至騷動錦衣衛鎮撫梁海本廣